

ORDENANZA FISCAL NÚM. 5

TAXA POR PRESTACIÓN DE SERVICIOS TRIBUTARIOS

(BOP número 284, do 12 de decembro de 2002)
(BOP número 288, do 16 de decembro de 2004)
(BOP número 143, do 29 de xullo de 2010)
(BOP número 119, do 23 de xuño de 2011)
(BOP número 123, do 2 de xullo de 2015)
(BOP número 231 do 7 de decembro de 2016)
(BOP número 243 do 23 de decembro de 2019)

Artigo 1.- Fundamento Legal.

En uso das facultades concedidas polos artigos 133.2 e 142 da Constitución e polo art. 106 da Lei 7/1985 reguladora das bases do réxime local, e de conformidade co disposto no art. 132 en relación cos artigos 15 ao 19 do Texto refundido da lei reguladora das facendas locais aprobado polo R.D.L. 2/2004 do 5 de marzo, a Deputación Provincial da Coruña establece a taxa pola prestación dos servizos de xestión, inspección e recadación dos ingresos de dereito público que lle encomenden as entidades locais da provincia, que se esixirá de acordo ao disposto nesta ordenanza fiscal.

Artigo 2.- Feito imponible.

Constitúe o feito imponible da presente taxa a prestación dos servizos de xestión, inspección e recadación de tributos, prezos públicos ou outros ingresos de dereito público dos que sexan titulares as entidades locais da provincia, sendo requisito indispensable para tal prestación a concorrencia das seguintes circunstancias:

1º) Que os servizos dos que se solicite prestación estean incluídos entre os que por acordo plenario da Deputación provincial se establezan previamente como susceptibles de tal prestación, conforme ás bases aprobadas polo dito acordo.

2º) Que as entidades locais, corporacións ou institucións titulares dos ingresos públicos correspondentes soliciten expresamente a prestación dos servizos establecidos, co contido, alcance e formalidades determinadas polas súas bases reguladoras.

Artigo 3.- Suxeitos pasivos.

Son suxeitos pasivos desta taxa, en concepto de contribuíntes, as entidades locais titulares dos ingresos de dereito público que a xestión, inspección e recadación se

encomende á Deputación Provincial da Coruña, de conformidade coas normas, acordos e as súas bases reguladoras.

Artigo 4.- Devengo.

A presente taxa devengarase anualmente cando se inicie a prestación dos servizos que constitúen o feito imponible; non obstante, a liquidación e cobro destas levarase a cabo de acordo co disposto no artigo 7 da presente ordenanza fiscal.

Artigo 5.- Base imponible.

A base imponible estará constituída polos seguintes conceptos:

1) A recadación líquida obtida en período voluntario durante o exercicio que se vai liquidar; entendendo como tal o resultado de diminuír, dos ingresos brutos recadados, o importe das devolucións de ingresos indebidos formalizadas, acordadas durante o exercicio.

A efectos da cuantificación da cota tributaria prevista no artigo 6 a), para a determinación do importe dos ingresos brutos recadados fíxase un importe máximo de 60.000,00 euros por cada recibo, liquidación ou autoliquidación.

2) O importe das recargas do período executivo recadados no exercicio.

Artigo 6.- Cota tributaria.

A cota tributaria resultará de aplicar á base imponible os seguintes tipos de gravame:

a) O cinco por cento (5%), no suposto 1) do artigo anterior, excepto para a recadación das sancións tributarias que deriven da inspección da Taxa pola utilización privativa ou aproveitamentos especiais constituídos no chan, subsolo, ou voo das vías públicas, a favor de empresas explotadoras de servizos de subministracións de interese xeral.

b) O setenta e cinco por cento (75%), no suposto 2) do artigo anterior.

c) O cincuenta por cento (50%) do importe das sancións da Taxa pola utilización privativa ou aproveitamentos especiais constituídos no chan, subsolo, ou voo das vías públicas, a favor de empresas explotadoras de servizos de subministracións de interese xeral, recadadas no período voluntario e executivo. No caso de que os ditos importes fosen recadados en período executivo, cobrarase tamén o 75% dos recargos do período executivo recadados.

d) Para os concellos que non teñen delegada a xestión, inspección e recadación dos impostos municipais obrigatorios non serán aplicables as letras anteriores, senón as porcentaxes seguintes:

ORDENANZA FISCAL N.º 5

d.1) No caso de que a Deputación asuma a instrución e, a recadación voluntaria e executiva das sancións municipais de tráfico ou dos reintegros e sancións derivados de expedientes de control financeiro:

- O **12,5%** do importe recadado por estes conceptos en período voluntario.
- O **25%** do importe recadado por estes conceptos en período executivo.

d.2) No caso de que a Deputación asuma a recadación executiva das sancións municipais de tráfico:

- A totalidade do importe da recarga do período executivo que corresponda (10 ou 20%) relativo ás sancións que foran efectivamente recadadas.

d.3) No caso da taxa por utilización privativa ou aproveitamentos especiais:

- **5%** do importe das cotas recadadas en período voluntario.
- **75%** do importe das recargas de constrinximento recadadas en período executivo.
- **50%** do importe das sancións que se deriven da xestión e inspección da taxa pola utilización privativa ou aproveitamentos especiais constituídos no chan, subsolo, ou voo das vías públicas, a favor de empresas explotadoras de servicios de subministración de interese xeral, recadadas en período voluntario e executivo. No caso de que os anteriores importes fosen recadados en período executivo, cobrarase tamén o 75% das recargas do período executivo.

e) No caso de que, como consecuencia dun convenio, o concello ou outro ente local colabore coa Deputación na inspección do Imposto sobre Actividades Económicas ou calquera outro tributo, o importe da taxa a abonar pola recadación líquida obtida como consecuencia das liquidacións de ingreso directo ou autoliquidacións practicadas deste labor inspectora en colaboración será o seguinte:

- O **2,5%** do importe das cotas recadadas en período voluntario.
- O **75%** do importe da recarga de constrinximento recadada en período executivo.

Artigo 7.- Liquidación da taxa.

Ó remate do exercicio, e dentro do primeiro trimestre seguinte, o Servicio de Recadación renderá conta por conceptos e titulares dos ingresos producidos durante o período e practicará conxuntamente a liquidación anual da taxa por prestación dos servicios tributarios, calculada conforme ó establecido nesta ordenanza.

Artigo 8.- Normas complementarias.

En todo o non especialmente establecido nesta ordenanza fiscal estarase ó disposto pola ordenanza fiscal xeral e nas bases para a presentación de servicios tributarios aprobadas pola Corporación provincial.

ORDENANZA FISCAL N.º 5

Disposición final.- A presente ordenanza fiscal derroga a aprobada polo Pleno con data do 26 de outubro de 2001, e entrará en vigor o 1 de xaneiro de 2003, permanecendo vixente ata que se acorde a súa modificación ou derogación expresa.

Dilixencia.- A precedente ordenanza fiscal foi aprobada polo Pleno da Excma. Deputación provincial da Coruña o día 25 de outubro de 2002.

-
- Por acordo plenario celebrado o día 28 de outubro de 2004 (BOP núm. 288 con data do 16 de decembro de 2004) foi modificado o art. 1. Esta modificación entra en vigor o 1 de xaneiro de 2005.
 - Por acordo plenario celebrado o día 28 de maio de 2010 (BOP núm. 143 con data do 29 de xullo de 2010) foron modificados os artigos 5.2 e 6. Esta modificación entra en vigor o 30 de xullo de 2010.
 - Por acordo plenario celebrado o día 29 de abril de 2011 (BOP núm. 119 con data do 23 de xuño de 2011) foi modificado o art. 6. Esta modificación entra en vigor o 24 de xuño de 2011.
 - Por acordo plenario celebrado o día 24 de abril de 2015 (BOP núm. 123 con data do 2 de xullo de 2015) foi modificado o art. 6.d.1. Esta modificación entra en vigor o 3 de xullo de 2015.
 - Por acordo plenario celebrado o día 30 de setembro de 2016 (BOP núm. 231 con data do 7 de decembro de 2016) foi modificado o art. 6. Esta modificación entra en vigor o 8 de decembro de 2016.
 - Por acordo plenario celebrado o día 25 de outubro de 2019 (BOP núm. 243 con data do 23 de decembro de 2019) foi modificado o art. 5. Esta modificación entra en vigor o 1 de xaneiro de 2020.